

Na osnovu provedenog postupka u skladu sa Zakonom o javnim nabavkama Bosne i Hercegovine, ("Službeni Glasnik BiH", broj 39/14), a po Konkurentskom zahtjevu broj: 05.12.100-6385-2/16 od 06.12.2016.godine, te Odluke o izboru najpovoljnijeg ponuđača Direktorice J.U. Zavoda za javno zdravstvo Kantona Sarajevo broj: 05.12.100-6385-Odluka o izboru Lot 3/16 od 15.12.2016.godine, kojom je prihvaćena Ponuda ponuđača „EUROHERC OSIGURANJE“ d.d. Sarajevo kao najpovoljnija i kojom se ponuđaču "EUROHERC OSIGURANJE" d.d. Sarajevo dodjeljuje Ugovor za sukcesivnu nabavku USLUGA OSIGURANJA UPOSLENIKA OD POSLJEDICA NESRETNOG SLUČAJA – NEZGODE, za potrebe J.U. Zavoda za javno zdravstvo Kantona Sarajevo, zaključuju slijedeći:

NARUČILAC USLUGA: J.U. ZAVOD ZA JAVNO ZDRAVSTVO KANTONA SARAJEVO, zastupan po direktorici Dr sci. med.Snježani Balti, primarius (u daljem tekstu: ugovarač osiguranja) i

PRUŽALAC USLUGA: "EUROHERC OSIGURANJE" D.D. SARAJEVO, zastupan po direktoru Josipu Knezović (u daljem tekstu: osiguravač)

dana 30.12.2016. godine, zaključili su:

UGOVOR

o kolektivnom osiguranju uposlenika od posljedica nesretnog slučaja – nezgode

Član 1.

Predmet ovog Ugovora je pružanje usluga kolektivnog osiguranja uposlenika ugovarača osiguranja, a prema ponudi osiguravača, broj: 163034801 od 13.12.2016. godine koja čini sastavni dio ovog ugovora.

Član 2.

Definicije u ugovoru su:

Osiguranci: Uposlenici uposleni kod ugovarača osiguranja.

Korisnik osiguranja: Lice kome ugovarač osiguranja isplaćuje osiguranu sumu, odnosno naknadu.

Osigurani osnov: Iznenađni i od volje osiguranika nezavisni događaj, koji djelujući uglavnom spolja i naglo na tijelo osiguranika ima za posljedicu njegovu smrt, potpuni ili djelimični invaliditet, prolaznu nesposobnost za rad ili narušenje zdravlja koje zahtijeva ljekarsku pomoć.

Član 3.

Ugovorena premija osiguranja iznosi **0.994 KM mjesečno**, po svakom uposleniku ugovarača osiguranja.

Ukupno ugovorena mjesečna premija osiguranja za **114 uposlenika** ugovarača osiguranja, uposlena u vrijeme zaključenja ovog ugovora, iznosi: **113,32 KM** (slovima: stotintrinaest i 32/100KM) **mjesečno**, odnosno **1.359,79 KM** (slovima: hiljadutristotinepedesetidevet i 79/100KM) **godišnje**.

Član 4.

Premija osiguranja uposlenika ugovarača osiguranja plaća se u roku od 30 (trideset) dana od momenta prijema fakture.

Ukoliko dođe do promjene broja uposlenika, ugovarač osiguranja će osiguravača pismeno obavjestiti o promjenama, te će se izvršiti korekcija premije osiguranja.

Član 5.

Ugovorne strane saglasne su da su osigurane sume za osigurane osnove sljedeće:

- ◆ Smrt usljed nezgode/nesretnog slučaja8.500,00 KM,
- ◆ Smrt usljed bolesti2.000,00 KM,
- ◆ Trajni invaliditet17.000,00 KM.

Usluge osiguranja odnose se na 114 uposlenika JU Zavod za javno zdravstvo Kantona Sarajevo, uposlena u vrijeme zaključenja ugovora. Sve promjene broja i imena novih osiguranika biće prijavljene osiguravaču u roku od 5 (pet) dana od dana prijema u radni odnos, a ne od dana dostavljanja promjena.

Osiguranje obuhvata nezgodu na poslu i van posla, punih 24 sata dnevno i 7 dana sedmično bez teritorijalnog ograničenja.

U slučaju da je usljed nesretnog slučaja nastupila smrt osiguranika, odnosno potpuni invaliditet osiguranika, osiguravač je obavezan na isplatu gore navedenih osiguranih suma, dok je slučaju da je usljed nesretnog slučaja nastupio djelimični invaliditet osiguranika, osiguravač je u obavezi isplatiti procenat od ugovorene osigurane sume za trajni invaliditet, sve u skladu sa odredbama važećih Opštih uslova za osiguranje lica od posljedica nesretnog slučaja i Dopunskih uslova za kolektivno kombinovano osiguranje radnika od posljedica nesretnog slučaja osiguravača.

Osiguranje važi od 24:00 časa onoga dana koji je označen u polisi kao početak osiguranja i prestaje u 24:00 časa onoga dana koji je u polisi osiguranja naveden kao dan prestanka osiguranja.

Član 6.

Osiguravač se obavezuje da će korisniku osiguranja za ugovoreno kolektivno osiguranje, u skladu sa odredbama Opštih uslova za osiguranje lica od posljedica nesretnog slučaja i Dopunskih uslova za kolektivno kombinovano osiguranje radnika od posljedica nesretnog slučaja isplatiti osigurane sume iz člana 5. ovog ugovora u zakonski propisanim rokovima.

Član 7.

Za osiguranje uposlenika od posljedica nesretnog slučaja – nezgode osiguravač će izdati ugovaraču osiguranja polisu osiguranja u kojoj se navodi broj osiguranih lica i koja čini sastavni dio ovog Ugovora.

Ugovarač osiguranja će izdati spisak uposlenika – osiguranih lica, koji čini sastavni dio polise osiguranja.

Član 8.

Osigurane sume i premija osiguranja ugovorene su u konvertibilnim markama (KM).

Član 9.

Ugovor se zaključuje na određeno vrijeme u trajanju od godinu dana (12 mjeseci), počev od 01.01.2017. godine do 31.12.2017.godine.

Član 10.

Sve eventualne nesporazume i nejasnoće nastale po ispostavljenj polisi osiguranja i ovom Ugovoru, ugovorne strane će rješavati sporazumno.

Ukoliko se jedna od ugovorenih strana ne pridržava odredbi ovog Ugovora, druga ugovorna strana ima pravo na jednostrani raskid ovog Ugovora. Raskid ugovora vrši se u pismenoj formi.

Ugovorne strane se obavezuju da će sve podatke koji se odnose na međusobno poslovanje, kao i podatke o poslovanju jedne od ugovornih strana, čuvati kao poslovnu tajnu.

Član 11.


Za sve eventualne sporove nadležan je Općinski sud u Sarajevu.

Član 12.

Ovaj ugovor je sačinjen u 4 (četiri) istovjetna primjerka, od kojih svaka ugovorna strana zadržava po 2 (dva) primjerka.

PRUŽALAC USLUGA


"Euroherc osiguranje" d.d. Sarajevo
Sarajevo
Direktor


/Josip Knezović /

Broj: 1730314
Sarajevo, 05.01.2017

NARUČILAC USLUGA

J.U. Zavod za javno zdravstvo
Kantona Sarajevo
Direktorica


/Dr med.sci. Snježana Balta, primarius/

Broj: 05.12.100-6385-Ugovor Lot 3/16
Sarajevo, dana 30.12.2016. godine.